

Erimu (*Astrolabebai*).

Adnot. — *Ae. arati*, quem FOREL nuperrime ex Queensland *Australiae* descriptis, L. BIRÓ specimen in silva *Lemien* legit.

48. *Rhopalopone* * *cribrata* n. sp.

Operaria. Fusco-ferruginea, mandibulis, antennis, pedibus anoque rufo-testaceis, breviter oblique pilosa, seu potius longius suberecte pubescens. Caput paulo longius quam latius, postice late arcuatim excavatum, angulis posticis prominulis, clypeo, fronte antice et fovea antennali subtiliter acute striatis, cæterum similiter striatum prætereaque punctis pubigeris magnis, rotundis, profundis, creberrimis, in fronte et vertice longitrosum in sulcos confluentibus. Mandibulæ trigonæ, edentulæ, crebre punctatæ, pubescentes. Oculi nulli. Antennæ scapo marginem occipitis non attingente, articulo secundo duobus sequentibus una subæquali, 4—9 paulo crassioribus quam longioribus, 10—12 clavam efficientibus. Promesonoti sculptura sicut capitis, sed striæ minus distinctæ, linea media sublevi. nitida; epinoti latera antice nitidissima, levia, postice infra striata; dorsum eius striatum et punctatum, medio levigatum, pagina declivis concava, nitidissima, lateribus marginata, angulo utrinque inter ipsam et paginam dorsalem acuto, subdentiformi. Petiolus superne subtrapezoideus, postice latior, a latere visus squama crassa basi crassiore, superne subtruncata, subtus processu compresso, obtuso instructus, nitidus et grosse punctatus. Segmentum abdominis postpetiolare sequenti subæquilongum, nitidissimum, punctis grossis pubigeris discretis; puncta similia sed minora in basi segmenti sequentis observantur. — L. 2¹/₃ mm.

Specimina 3 cribrando collecta.

49. *Rhopalopone* *epinotalis* EMERY.

Ann. Mus. Civ. Genova, v. 38. p. 550. (sine descr.)

Operaria. Fulvo-ferruginea, mandibulis, antennis, pedibus abdome neque dilutioribus. Præcedenti simillima, sed gracilior: caput magis elongatum, circiter quarta parte longius quam latius, occipite minus profunde excavato, subtilius sculptum, punctis in sulcos oblique longitudinales et irregulares confluentibus, fronte et foveis antennalibus similiter sculptis, clypeo tantum striato, mandibulis brevioribus, punctis majoribus, haud crebris. Antennæ articulis 4—9 multo crassioribus quam longioribus. Promesonotum irregulariter longitrosum rugosum, absque linea media levi; epinotum superne et postice leve, nitidissimum, lateribus maxima parte

* Gen. *Rhopalopone* institui in Ann. Mus. Civ. Genova v. 38. p. 549. (1897) pro duabus speciebus hic describendis. A gen. *Typhlomyrmex* differt præsertim thoracis suturis nullis et petiolo antice haud petiolato. *Ponera simillima* F. Sm. Pr. Linn. Soc. London v. 5. p. 105. (nec p. 104.) 1860, ob oculos in mediis capitis lateribus sitos huic generi, sed speciei diversæ pertinere videtur.